



ШЕШІМ

РЕШЕНИЕ

2021 жылғы 31 наурыздағы

№ 22

Алға қаласы

город Алга

Алға аудандық мәслихатының 2020 жылғы 23 қыркүйектегі № 424 «Алға ауданында әлеуметтік көмек көрсету, мөлшерлерін белгілеу және мұқтаж азаматтардың жекелеген санаттарының тізбесін айқындау Қағидаларын бекіту туралы» шешіміне өзгерістер мен толықтыру енгізу туралы

Қазақстан Республикасының 2001 жылғы 23 қаңтардағы «Қазақстан Республикасындағы жергілікті мемлекеттік басқару және өзін – өзі басқару туралы» Заңының 6 бабына, Қазақстан Республикасының 2016 жылғы 6 сәуірдегі «Құқықтық актілер туралы» Заңының 26 бабына сәйкес, Алға аудандық мәслихаты **ШЕШІМ ҚАБЫЛДАДЫ:**

1. Алға аудандық мәслихатының 2020 жылғы 23 қыркүйектегі № 424 «Алға ауданында әлеуметтік көмек көрсету, мөлшерлерін белгілеу және мұқтаж азаматтардың жекелеген санаттарының тізбесін айқындау Қағидаларын бекіту туралы» (нормативтік құқықтық актілердің мемлекеттік тіркеу Тізілімінде № 7504 болып тіркелген, 2020 жылғы 5 қазанда Қазақстан Республикасының нормативтік құқықтық актілерінің электрондық түрдегі эталондық бақылау банкінде жарияланған) шешіміне келесі өзгерістер мен толықтыру енгізілсін:

көрсетілген шешіммен бекітілген Алға ауданында әлеуметтік көмек көрсету, мөлшерлерін белгілеу және мұқтаж азаматтардың жекелеген санаттарының тізбесін айқындау Қағидаларында:

2 тармағының 4) тармақшасы мынадай жаңа редакцияда жазылсын:

«4) ең төмен күнкөріс деңгейі – Қазақстан Республикасының стратегиялық жоспарлау және реформалар агенттігі ұлттық статистика бюросының Ақтөбе облысы бойынша департаменті есептейтін мөлшері бойынша ең төмен тұтыну себетінің құнына тең, бір адамға қажетті ең төмен ақшалай кіріс;»;

5 тармақтың екінші абзацы мынадай жаңа редакцияда жазылсын:

«Қазақстан Республикасында мүгедектерді әлеуметтік қорғау туралы» 2005 жылғы 13 сәуірдегі Қазақстан Республикасы Заңының 16-бабында және «Ардагерлер туралы» 2020 жылғы 6 мамырдағы Қазақстан Республикасы Заңының 10-бабының 1 тармағының 2) тармақшасында, 11-бабының 1 тармағының 2) тармақшасында, 12-бабының 1 тармағының 2) тармақшасында

және 13-бабының 2) тармақшасында (бұдан әрі – Заң) көрсетілген адамдарға әлеуметтік көмек осы Қағидаларда көзделген тәртіппен көрсетіледі.»;

7 тармақта:

«Отбасы күні – қыркүйектің екінші жексенбісі» сөздері «30 тамыз - Қазақстан Республикасының Конституция күні» сөздерімен ауыстырылсын;

9 тармақ мынадай жаңа редакцияда жазылсын:

«9. Ай сайынғы әлеуметтік көмек табыстарын есепке алмай көрсетіледі:

1) Ұлы Отан соғысының ардагерлеріне коммуналдық қызметтерге 8 000 (сегіз мың) теңге мөлшерінде;

2) жеңілдіктер бойынша Ұлы Отан соғысының ардагерлеріне теңестірілген ардагерлерге, басқа мемлекеттердің аумағындағы ұрыс қимылдарының ардагерлеріне жылу маусымының 7 ай ішінде (қаңтардан сәуірге дейін, қазаннан желтоқсанға дейін) коммуналдық қызметтерге 5 000 (бес мың) теңге мөлшерінде;

3) Заңның күші қолданылатын басқа да адамдарға жылу маусымының 7 ай ішінде (қаңтардан сәуірге дейін, қазаннан желтоқсанға дейін) коммуналдық қызметтерге 5 000 (бес мың) теңге мөлшерінде;

4) қайтыс болған Ұлы Отан соғысы қатысушыларының екінші рет некеге отырмаған жұбайына (зайыбына) жылу маусымының 7 ай ішінде (қаңтардан сәуірге дейін, қазаннан желтоқсанға дейін) коммуналдық қызметтерге 5 000 (бес мың) теңге мөлшерінде;

5) Ауғанстандағы немесе ұрыс қимылдары жүргізілген басқа да мемлекеттердегі ұрыс қимылдары кезінде жаралануы, контузия алуы, мертігуі, ауруға шалдығуы салдарынан қаза тапқан (хабар-ошарсыз кеткен) немесе қайтыс болған әскери қызметшілердің отбасыларына жылу маусымының 7 ай ішінде (қаңтардан сәуірге дейін, қазаннан желтоқсанға дейін) коммуналдық қызметтерге 5 000 (бес мың) теңге мөлшерінде;

6) еңбек ардагерлеріне, жылу маусымының 7 ай ішінде (қаңтардан сәуірге дейін, қазаннан желтоқсанға дейін) коммуналдық қызметтерге 5 000 (бес мың) теңге мөлшерінде

7) үйде оқитын мүгедек балалардың ата-аналарына немесе заңды өкілдеріне, білім беру кезеңіне бір мүгедек балаға 5 000 (бес мың) теңге мөлшерінде «Ақтөбе облысының білім басқармасы Алға ауданының білім бөлімі» мемлекеттік мекемесінің ұсынған тізімдері негізінде;

8) онкологиялық аурулардан зардап шегетін азаматтарға, адамның иммуножетіспеушілік вирусы инфекциясын жұқтырғандарға және туберкулездің әртүрлі түрімен ауыратын науқастарға, ай сайын ұсынылатын «Ақтөбе облысының денсаулық сақтау басқармасы» мемлекеттік мекемесінің шаруашылық жүргізу құқығындағы «Алға аудандық ауруханасы» мемлекеттік коммуналдық кәсіпорны ұсынған тізімдері негізінде, жылына 6 айға дейінгі амбулаториялық ем алу мерзіміне 10 (он) айлық есептік көрсеткіш мөлшерінде;

9) Қазақстан Республикасының шегінде тегін медициналық көмектің кепілдік берілген көлемі шеңберінде жоғары технологиялық медициналық

көрсетілетін қызметтерді және (немесе) міндетті әлеуметтік медициналық сақтандыру жүйесінде медициналық көмекті алу үшін Ұлы Отан соғысының ардагерлеріне, басқа мемлекеттердің аумағындағы ұрыс қимылдарының ардагерлеріне, жеңілдіктер бойынша Ұлы Отан соғысының ардагерлеріне теңестірілген ардагерлерге және I, II, III топтағы мүгедектерге, 16 жасқа дейінгі бала кезінен мүгедектерге және оларды ертіп жүрген адамдарға жол жүру төлемдері, теміржол көлігінде (екі бағытта) жылына бір рет, бірақ купелі вагон билетінің құнынан аспайтын мөлшерде, жергілікті бюджет қаражаты есебінен «Ақтөбе облысының денсаулық сақтау басқармасы» мемлекеттік мекемесінің (бұдан әрі - облыстық денсаулық сақтау басқармасы) жолдамасы бойынша жүргізіледі.

Жұмыс берушінің кінәсінен болған еңбектегі мертігуден немесе кәсіби ауырудан мүгедектердің, емделуге жол жүру өтемақысы берілмейді.

Әлеуметтік көмек, егер жоғарыда аталған тұлғалар толық мемлекет қарауында болмаған жағдайда көрсетіледі.»;

10 тармақта:

5), 7) тармақшалар мынадай жаңа редакцияда жазылсын:

«5) Ауғанстандағы немесе ұрыс қимылдары жүргізілген басқа да мемлекеттердегі ұрыс қимылдары кезінде жаралануы, контузия алуы, мертігуі, ауруға шалдығуы салдарынан қаза тапқан (хабар-ошарсыз кеткен) немесе қайтыс болған әскери қызметшілердің отбасыларына 50 000 (елу мың) теңге мөлшерінде;»;

«7) мемлекеттік әлеуметтік жәрдемақы алушы мүгедектерге Қазақстан Республикасының Конституция күніне орай, 50 000 (елу мың) теңге мөлшерінде.»;

11 тармақ мынадай мазмұндағы 11) тармақшамен толықтырылсын:

«11) бас бостандығынан айыру орындарынан босатылған және пробация қызметінің есебінде тұрған адамдарға 60 000 (алпыс мың) теңгеден артық емес мөлшерде.»;

18 тармақ мынадай жаңа редакцияда жазылсын:

«18. Осы Қағидалардың 9 тармағының 1) - б) тармақшаларында көрсетілген тұлғалар ай сайынғы әлеуметтік көмек алу үшін, мынадай құжаттарды ұсынады:

1) арызы;

2) жеке басын куәландыратын құжат;

3) өтініш берушінің әлеуметтік жағдайын растайтын құжат.

9 тармағының 9) тармақшасында көрсетілген тұлғалар мынадай құжаттарды ұсынады:

1) арызы;

2) екінші деңгейдегі банктерде немесе «Қазпошта» АҚ бөлімшелерінде есепшотының бар болуы туралы құжат;

3) мүгедек баланың жеке куәлігінің көшірмесі немесе туу туралы куәлігінің көшірмесі;

- 4) жолдама:
 стационарға емдеуге жатқызуға;
 республикалық деңгейде мамандандырылған және жоғары мамандандырылған консультациялық-диагностикалық көмек алуға;
- 5) 9 тармағының 9) тармақшасында көрсетілген азаматтардың санатына жататындығын растайтын куәліктің көшірмесі;
- 6) жол жүру дерегін растайтын билеттер, егер олар болмаған жағдайда – темір жол көлігінде емделу орнына дейінгі және кері қайтуға жол жүру құны туралы анықтама;
- 7) 9 тармағының 9) тармақшасында көрсетілген адамды алып жүру қажеттігін растайтын медициналық анықтама.».

2. «Алға аудандық мәслихатының аппараты» мемлекеттік мекемесі заңнамада белгіленген тәртіппен:

- 1) осы шешімді Ақтөбе облысының Әділет департаментінде мемлекеттік тіркеуді;
- 2) осы шешімді оны ресми жариялағаннан кейін Алға аудандық мәслихатының интернет – ресурсында орналастыруды қамтамасыз етсін.
3. Осы шешім оның алғашқы ресми жарияланған күнінен кейін күнтізбелік он күн өткен соң қолданысқа енгізіледі

**Алға аудандық мәслихат
 сессиясының төрағасы**

М. Джалгаспаев

**Алға аудандық мәслихатының
 хатшысы**

М. Тулеуов

Қазақстан Республикасының Әділет министрлігі

Ақтөбе облысы Әділет департаменті

Нормативтік құқықтық акті 02.04.2021

Нормативтік құқықтық актілерді мемлекеттік

тіркеудің тізіліміне № 8222 болып енгізілді

Результаты согласования

ГУ "Аппарат Алгинского районного маслихата" - Председатель сессии Алгинского районного маслихата

Мирлан Алпамысович Джалгаспаев, 31.03.2021 15:41:09, положительный результат проверки ЭЦП

ГУ "Аппарат Алгинского районного маслихата" - Секретарь Алгинского районного маслихата Марат

Шамшадиевич Тулеуов, 31.03.2021 15:42:54, положительный результат проверки ЭЦП

ГУ "Аппарат Алгинского районного маслихата" - Председатель сессии Алгинского районного маслихата

Мирлан Алпамысович Джалгаспаев, 31.03.2021 15:44:15, положительный результат проверки ЭЦП

Департамент юстиции Актыобинской области - Руководитель департамента юстиции Актыобинской области

Бекбулат Жуматаевич Колумбаев, 02.04.2021 12:59:58, положительный результат проверки ЭЦП